



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel. (032) 878-877*

*fax (032) 879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

## UPRAVNI ODBOR

Broj:01-2.16-3434/23

Datum:28.09.2023. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14 i 59/22), na svojoj 54. sjednici održanoj dana 28.09.2023. godine, donosi

### ODLUKU

o izboru najpovoljnijeg ponuđača za nabavku usluga osiguranja vozila JU „Dom zdravlja“ Zavidovići (automobilska odgovornost)

#### Član 1.

Ugovor o nabavci usluga osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem loma stakla za period od 12 mjeseci, dodjeljuje se ponuđaču **SARAJEVO OSIGURANJE d.d. Sarajevo.**

#### Član 2.

Ponuda ponuđača SARAJEVO OSIGURANJE d.d. Sarajevo, u provedenom konkurentskom zahtjevu za dostavu ponuda, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi Ugovor o nabavci osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem loma stakla, za period od 12 mjeseci, u ukupnom iznosu od **6.032,43 KM bez PDV-a.**

#### Član 3.

Drugi po rangu, nakon provedene e-aukcije, bio je ponuđač CROATIA OSIGURANJE d.d. Mostar sa ukupnom cijenom ponude u iznosu 6.235,40 KM bez PDV-a.

#### Član 4.

Treći po rangu, nakon provedene e-aukcije, bio je ponuđač EUROHERC OSIGURANJE D.D. Podružnica Travnik sa ukupnom cijenom ponude u iznosu od 6.556,50 KM bez PDV-a.

#### Član 5.

Ponuda ponuđača ASA CENTRAL OSIGURANJE d.d. Sarajevo, odbacuje se kao neprihvatljiva shodno članu 68. stav 4. tačka i), jer ponuda ne ispunjava zahtjeve iz tenderske dokumentacije u pogledu procjenjene vrijednosti nabavke.

#### Član 6.

Izabrani ponuđač ne mora dostaviti original ili ovjerene fotokopije sljedeće kvalifikacione dokumentacije:

- a) Uvjerenje/potvrda Suda BiH i suda prema sjedištu pravnog lica (kumulativno oba uvjerenja/potvrde), kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza,
- e) Rješenje o registraciji ili aktuelni izvod iz sudskog registra,
- f) Potvrdu ili uvjerenje Agencije za nadzor osiguranja Federacije BiH ili Agencije za osiguranje Republike Srpske da ponuđač ima važeće odobrenje za rad.

#### Član 7.

Izabrani ponuđač ne mora dostaviti original ili ovjerene fotokopije dokumentacije iz člana 6. ove Odluke iz razloga jer je u ponudi dostavio ovjerene fotokopije sljedećih dokumenata:

- a) Uvjerenje Porezne uprave Federacije –Porezna ispostava Centar od 27.07.2023. godine da ponuđač nema duga po osnovu javnih prihoda, da nema duga po osnovu poreza, doprinosa za PIO/MIO, doprinosa za zdravstveno osiguranje, osiguranje od nezaposlenosti i drugih javnih prihoda) – ovjerena fotokopija 05.09.2023. godine,
- b) Uvjerenje Uprave za indirektno oporezivanje od 27.07.2023. godine da ponuđač nema dospelih, a neizmirenih obaveza po osnovu indirektnih poreza, ostalih prihod i taksu – ovjerena fotokopija 05.09.2023. godine,
- c) Uvjerenje Općinskog suda u Sarajevu od 26.07.2023. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama – ovjerena fotokopija 05.09.2023. godine,
- d) Uvjerenje Općinskog suda u Sarajevu od 26.07.2023. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju prevaru ili pranje novca u smislu člana 45. stav 2. tačka a) Zakona o javnim nabavkama – ovjerena fotokopija 05.09.2023. godine,

- e) Uvjerenje Suda Bosne i Hercegovine od 28.07.2023. godine da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama – ovjerena fotokopija 05.09.2023. godine,
- f) Aktuelni izvod iz sudskog registra, od 26.07.2023. godine – ovjerena fotokopija 05.09.2023. godine,
- g) Rješenje Agencije za nadzor osiguranja Federacije BiH br.1.0.-021-790-1/07 od 27.08.2007. godine da ponuđač obavlja poslove neživotnog osiguranja – ovjerena fotokopija 05.09.2023. godine,
- h) Uvjerenje Agencije za nadzor osiguranja Federacije BiH br.01-07.2-04-2468/23 od 28.07.2023. godine da je ponuđaču odobreno obavljanje djelatnosti neživotnog osiguranja sa popisom vrste osiguranja i da nije pokrenut postupak oduzimanja odobrenja za rad – ovjerena fotokopija 05.09.2023. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-3271/23 od 13.09.2023. godine, a u Tenderskoj dokumentaciji, broj: 01-2.12-2939/23 od 25.08.2023. godine u tački 2.USLOVI ZA KVALIFIKACIJU I POTREBNI DOKAZI, podtačka 2.2. propisano je da ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

### **Član 8.**

Ova odluka stupa na snagu danom donošenja.

### **Obrazloženje**

Obavještenjem o nabavci br. 638-7-2-150-3-81/23 koje je objavljeno na portalu javnih nabavki dana 25.08.2023. godine i u Službenom glasniku BiH broj 60 od 01.09.2023. godine, pokrenut je konkurentski zahtjev za dostavu ponuda za nabavku usluga osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem loma stakla za period od 12 mjeseci.

Tendersku dokumentaciju za predmetnu nabavku sa portala javnih nabavki preuzelo je 11 ponuđača i to: EKAPIJA DOO, BBS EUROPE, EUROHERC OSIGURANJE DD, ASA CENTRAL OSIGURANJE D.D. SARAJEVO, TRIGLAV OSIGURANJE D.D. PODRUŽNICAZENICA, SARAJEVO-OSIGURANJE D.D., WIENER OSIGURANJE VIG AD, UNIQA OSIGURANJE D.D. SARAJEVO, CROATIA OSIGURANJE D.D., ADRIATIC OSIGURANJE D.D. PODRUŽNICAZENICA i DRUŠTVO ZA OSIGURANJE "PREMIUM OSIGURANJE" A.D.

Na adresu JU "Dom zdravlja" Zavidovići dostavljene su 4 ponude i to: ASA CENTRAL OSIGURANJE d.d. Sarajevo, EUROHERC osiguranje d.d. Sarajevo – Podružnica Travnik, SARAJEVO OSIGURANJE d.d. Sarajevo i CROATIA OSIGURANJE d.d. Mostar.

Nakon pregleda dostavljene dokumentacije Komisija za javne nabavke utvrdila je da tri ponude odgovaraju uslovima iz tenderske dokumentacije, odnosno da su prihvatljive ponude, a da je jedna ponuda neprihvatljiva.

Nakon pregleda dostavljene dokumentacije Komisija za javne nabavke utvrdila je da zaprimljene ponude ponuđača EUROHERC osiguranje d.d. Sarajevo – Podružnica Travnik, SARAJEVO OSIGURANJE d.d. Sarajevo i CROATIA OSIGURANJE d.d. Mostar odgovaraju uslovima iz tenderske dokumentacije, odnosno da su prihvatljive ponude, a da je ponuda ponuđača ASA CENTRAL OSIGURANJE d.d. Sarajevo neprihvatljiva jer cijena prelazi planirana, odnosno osigurana novčana sredstva ugovornog organa za predmetnu nabavku.

Procijenjena vrijednost javne nabavke iznosi **7.000,00 KM**.

Članom 2. stav (1) tačka 1) podtačka 2) Zakona o javnim nabavkama ("Službeni glasnik BiH", broj: 39/14 i 59/22), propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti: "neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

Tenderskom dokumentacijom, u tački "7. KRITERIJ DODJELE OKVIRNOG SPORAZUMA I CIJENA", propisano je da je kriterij za dodjelu okvirnog sporazuma najniža cijena, a u podtački "7.1. Procijenjena vrijednost javne nabavke", iskazana je procijenjena vrijednost u iznosu od 7.000,00 KM, te je istaknuta napomena koja glasi: "**NAPOMENA: CIJENA PONUDE NE SMIJE BITI VEĆA OD PROCIJENJENE VRIJEDNOSTI. U protivnom, ponuda će se smatrati neprihvatljivom u skladu sa članom 2. stav (1) tačka 1) Zakona o javnim nabavkama.**"

U skladu s iznesenim je i praksa Agencije za javne nabavke, koja je izdala savjetodavno mišljenje, broj: 04-02-1-2387/22 od 18.11.2022. godine, u kojem se navodi da se neprihvatljivom ponudom smatra ponuda čija vrijednost prelazi planiranu vrijednost ugovorog organa ili vrijednost osiguranih sredstava prije početka postupka javne nabave, te da se u otvorenom postupku javne nabavke i konkurentskom zahjevu za dostavu ponuda, neprihvatljivost ponude cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

U skladu s iznesenim, ponuda ponuđača ASA CENTRAL OSIGURANJE d.d. Sarajevo, odbačena je shodno članu 68. stav 4. tačka i), jer ponuda ne ispunjava zahtjeve iz tenderske dokumentacije u pogledu procijenjene vrijednosti nabavke, s obzirom da iznosi 7.401,14 KM bez PDV-a.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Ugovorni organ odlučio je da e-aukciju zakaže za 21.09.2023. godine sa početkom u 09:30 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Tabela 1: uporedba cijena - rangiranje

Iznos bez PDV	6.556,50	6.032,43	6.235,40	6.032,43
Rang	3	1	2	

Ugovorni organ iz sistema e-nabavke, preuzeo je izvještaj o toku i završetku e-aukcije 21.09.2023. godine u 9,48 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da je e-aukcija trajala 10 minuta, da u toku e-aukcije nije bilo podnošenja ponuda, te da je nakon okončane e-aukcije prvorangirani ponuđač SARAJEVO OSIGURANJE D.D. SARAJEVO sa najnižom cijenom ponude u iznosu od 6.032,43 KM bez PDV-a, drugi po rangu je ponuđač CROATIA OSIGURANJE d.d. Mostar sa ukupnom cijenom ponude u iznosu 6.235,40 i treći po rangu je ponuđač EUROHERC OSIGURANJE D.D. Podružnica Travnik sa ukupnom cijenom ponude u iznosu od 6.556,50 KM bez PDV-a.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača SARAJEVO OSIGURANJE d.d. Sarajevo, prihvati kao najpovoljniju za nabavku usluga osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem loma stakla, koja je u provedenom postupku – konkurentskom zahtjevu, imala najnižu cijenu u ukupnom iznosu od 6.032,43 KM bez PDV-a.

Drugi po rangu, nakon provedene e-aukcije, bio je ponuđač CROATIA OSIGURANJE d.d. Mostar sa ukupnom cijenom ponude u iznosu 6.235,40 KM bez PDV-a.

Treći po rangu, nakon provedene e-aukcije, bio je ponuđač EUROHERC osiguranje d.d. Sarajevo – Podružnica Travnik sa ukupnom cijenom ponude u iznosu 6.556,50 KM bez PDV-a.

Cijeneći pravilnost provedenog konkurentskog zahtjeva za dostavu ponuda za nabavku usluga osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem loma stakla za period od 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

**DOSTAVLJENO:**

1. Sarajevo osiguranje d.d. Sarajevo,
2. Euroherc osiguranje d.d. Sarajevo Podružnica Travnik,
3. Croatia osiguranje d.d. Mostar,
4. ASA Central osiguranje d.d. Sarajevo
5. a/a.

**PREDSJEDNIK  
PRAVNOG ODBORA:**  
Mehmed Elvir, dipl. pravnik

